



**MAJLIS SEMBAHYANG FARDHU MAGHRIB BERJEMAAH, MEMBACA SURAH
YASSIN, DOA SELAMAT DAN SEMBAHYANG FARDHU ISYAK BERJEMAAH
SEMPENA HARI HUTAN ANTARABANGSA 2018**

**JABATAN PERHUTANAN,
KEMENTERIAN SUMBER-SUMBER UTAMA DAN PELANCONGAN**
Tempat: MASJID JAME' ASR HASSANIL BOLKIAH
Tarikh: 2 REJAB 1439H BERSAMAAN 20HB MAC 2018M

PRESS RELEASE

Bandar Seri Begawan, 20hb Mac 2018. Jabatan Perhutanan telah mengadakan Majlis Sembahyang Fardhu Maghrib berjemaah, Membaca Surah Yassin, Doa Selamat dan Sembahyang Fardhu Isyak berjemaah sempena Hari Hutan Antarabangsa 2018 pada 2 Rejab 1439H bersamaan 20hb Mac 2018, bertempat di Masjid Jame' Asr Hassanil Bolkiah.

Hadir selaku tetamu kehormat di Majlis ini ialah Yang Berhormat Dato Seri Setia Awang Haji Ali bin Apong, Menteri Sumber-Sumber Utama dan Pelancongan.

Turut hadir di majlis ini ialah Yang Mulia Dr Haji Abdul Manaf bin Haji Metussin, Setiausaha Tetap, Kementerian Sumber-Sumber Utama dan Pelancongan; Yang Mulia Awang Wardi bin Haji Mohammad Ali, Timbalan Setiausaha Tetap (Pelancongan), Kementerian Sumber-Sumber Utama dan Pelancongan; Yang Mulia Dayang Noralinda binti Haji Ibrahim, Pemangku Pengarah Perhutanan selaku Pengerusi Majlis.

Seramai lebih kurang 250 orang telah menghadiri majlis ini yang terdiri daripada Ketua-Ketua Jabatan dan Bahagian, pegawai dan kakitangan Kementerian Sumber-Sumber Utama dan Pelancongan dan Jabatan-Jabatan dibawahnya serta pengusaha-pengusaha sektor di bawah perhutanan.

Majlis Sembahyang Fardhu Maghrib berjemaah, Membaca Surah Yassin, Doa Selamat dan Sembahyang Fardhu Isyak berjemaah ini adalah merupakan acara keugamaan yang dianjurkan oleh Jabatan Perhutanan yang merupakan acara pembuka tirai bagi acara-acara sempena memperingati Sambutan Hari Hutan Antarabangsa pada tahun ini, yang telah dirancang dan disusun oleh Jabatan Perhutanan.

--oo0oo--